

Izjava OHR-a na konferenciji za medije međunarodnih organizacija

Na obnovu BiH i njenu integraciju u Evropu treba gledati u regionalnom kontekstu

Visoki predstavnik, Christian Schwarz-Schilling, vraća se u Bosnu i Hercegovinu večeras. Kao što vam je poznato, u toku odmora visoki predstavnik je učestvovao u razgovorima kojima je predsjedavao koordinator Pakta stabilnosti Erhard Busek u Salzburgu, čiji je cilj bio rješavanje neriješenih pitanja koja se tiču provođenja Sporazuma o slobodnoj trgovini koji su potpisani između BiH i njenih neposrednih susjeda.

Visoki predstavnik više puta je izrazio svoju podršku za proces Pakta stabilnosti i istakao u više prilika da je suštinski važno posmatrati poslijeratni oporavak Bosne i Hercegovine i integraciju u euroatlanske strukture u regionalnom kontekstu. Kao što je istakao na sastanku Pakta stabilnosti u Beogradu u maju, "Možemo se ili obogatiti zajedno ili ostati siromašni zajedno. Jednostavno je iluzija vjerovati da određene privrede mogu prosperirati dok privrede susjednih zemalja stagniraju."

Pitanja novinara:

Danka Polovina-Mandić, Dnevni List:

Kevin, da li je bilo ikakvih pomaka nakon ovih razgovora visokog predstavnika oko problema vezanih za ugovore o slobodnoj trgovini sa susjednim zemljama, konkretno sa Hrvatskom i Srbijom i Crnom Gorom? Da li, dakle, imamo ikakve konkretne rezultate koji bi rezultirali rješavanjem tog problema?

Kevin Sullivan, OHR:

To je dobro pitanje i nije nimalo iznenađujuće što vam ja ne mogu odgovoriti na to pitanje. Visoki predstavnik je učestvovao u nizu neformalnih razgovora. Razgovori će se nastaviti, a vi bi ste trebali vaše pitanje uputiti relevantnim vlastima.

Ono što mogu reći je da je OHR više puta naglasio da je izuzetno važno značaja osigurati da se sve prilike i mogućnosti koje su nastale kao rezultat Sporazuma o slobodnoj trgovini adekvatno iskoriste u za dobrobit Bosne i Hercegovine. Ovo je situacija iz koje se samo može steći dobit. Činjenica je da su dugoročni rezultati slobodne trgovine povećani broj stranih ulaganja u BiH i otvaranje novih radnih mjesta. I ta činjenica uvijek mora biti u prvom planu pri razgovorima i razmatranju problema vezanih za ugovore o slobodnoj trgovini. Sada je važno naći načina za prevazilaženje sve prepreke koje stoje na putu uspostavljanja zone slobodne trgovine u jugoistočnoj Evropi, tako da možemo okončati ovaj početni period uspostavljanja te zone, te da građani ove države, kao i građani susjednih država mogu početi uživati u svim prednostima i dobrobitima slobodne trgovine.

Dragomir Simović, Agencija SRNA:

Ja ne znam da li je neko od OHR-a zahtijevao komentar, pošto sam bio na godišnjem. Interesuje me vaš komentar dakle, na tužbu Distrikta Brčkog protiv predsjedavajućeg Upravnog odbora za indirektno oporezivanje i direktora Uprave?

Kevin Sullivan, OHR:

Dakle, kaoprvo, što setičezakonskogpostupkakojijepokrenuoBrčkoDistrikt – tonijenešto štoUredvisokogpredstavnikamožekomentarisati, međutim, mi smo javno rekli da je Uprava za indirektno oporezivanje adekvatna institucija koja bi trebala donositi

odluke o pitanjima koja se tiču o alokaciji prihoda i Ured visokog predstavnika je uvjeren da će Upravni odbor riješiti ove probleme na pravičan i zadovoljavajući način, u korist svih građana Bosne i Hercegovine, znači građana Brčko Distrikta i oba entiteta.

Ima li još pitanja? Dobro, hvala vam.